

DISPUTATIO MEDICA
INAUGURALIS
DE
DOLORE DENTIIUM.

QUAM

FAVENTE DEO TER OPT. MAX.

Ex auctoritate Magnifici D. Rectoris

D. GODEFRIDI BIDLOO, Med. Doct. Anat. &
Colleg. Pract. in Acad. Lugd. Bat. Profess. Ordin.
ut & Colleg. Chir. ejusd. civit. Præsidis,

NEC NON

Amplissimi Senatûs Academici Consensu, & Almæ

Facultatis Medicæ Decreto,

PRO GRADU DOCTORATUS,

Summisque in Medicina Honoribus, & Privilegiis
ritè ac legitimè consequendis,

Publice ventilandam proponit

ADRIANUS VAN DOBBE, Roterod.-Batav.

Ad Diem 11. ^{Sept.} Augusti N. S. hora locoque solitis.



LUGDUNI BATAVORUM,
Apud ABRAHAMUM ELZEVIER, Academiæ
Typographum. MDCXCVI.

Fratri Germano unico & Optimo,

D. HENRICO van DOBBE, Mercatori
apud Roterodamenses Spectatissimo.

D. PAULO WIBBERT, J. U. D. Con-
sultissimo, Affini Dilectissimo.

D. GODEFRIDO BIDLOO, Med.
Doct. Anat. & Colleg. Pract. in Acad. Lugd.
Batav. Profess. ut & Coll. Chirurg. ejusdem
civitatis Præsidi; hoc tempore, Rectori Ma-
gnifico dignissimo, studiorum meorum fun-
datori, fautori, & jam promotori fidelissimo,
propter innumera in me collata beneficia, in
sæcula honorando.

D. JOHANNI BROEN, Med. Doct. ex-
perientissimo, ejusdemque facultatis in Aca-
demia Lugduno-Batava Prælector publico
meritissimo.

Disputationem hanc inauguralem

D. D. D.

A. V. DOBBE,
Auct. & Resp.





DISPUTATIO MEDICA
INAUGURALIS
DE

DOLORE DENTIIUM.
PRÆLOQUIUM.

Nipse ego, qui crudelissimam sæpenu-
merò sum expertus Odontalgiam,
quique satis, meo malo, didici, quan-
to illa artis nostræ Principes habeat
ludibrio, siquidem, frequentius ani-
libus, superstitiosis, vilibus atque
vulgaribus, quàm exquisitis, dele-
ctis, & ut alibi vocant, Canonicis, subigi se patitur
remediis, ille, inquam, ego ejus imaginem, in dispu-
tatione hac inaugurali, delineare decrevi; haud verò
quaquam eò animò, ut in hac materia excellere, rem
acu tangere, aut eximium quid & numeris absolutum
in scenam producere velle videar, scio enim, quam
sit mihi curta suppellex, sed unicè, ut laudabili consue-
tudini Academicæ obtemperem; æquum ergo erit, Le-
ctor Candide, ut conatibus hisce nostris faveas, dum
ego Deo Opt. Max. supplico, ut omnia cedant in no-
minis sui gloriam, proximique commodum.

Dolorem, five majorem five minorem, omnis Odontalgia, Individuum esse & urgens symptoma, palam esse puto; dolor vero omnis, cum includat perceptionem quandam & conscientiam, omnisque perceptio & conscientia cogitationem, cogitatio vero nulli corpori competere possit, sed soli menti propria sit, patet, meo judicio, clarè, quod nulla pars corporis dolere propriè dicenda sit, adeoque nullus sit dolor dentium; statuendum ergò potius est (nisi forte cum imperito vulgo quis loqui mallet; juxta tritum illud, *loquendum esse, ut vulgus loquitur, sentiendum ut sapientes sentiunt*) mentem ope partium corporis percipere, five, quod idem est, sentire, adeoque etiam dolere; scilicet, quoniam illa Organico corpori immediate à Deo est unita, idcirco passionibus variis afficitur, tendentibus, vel ad lætitiā & tranquillitatem, quamdiu partes totius permanent in statu suo consueto, five naturali, aut salutem nonnisi blandè afficiuntur; vel ad tristitiā & inquietudinem, quamprimum partes extra statum consuetum, five naturalem deducuntur, five læduntur & mutantur, hoc est, juxta Veteres, solutionem continui patiuntur, confer *Nobilissim. Descartes princ. part. 1. §. 45., 66, 67. nec non §. 41. circa finem.* Notandum autem hic est obiter, quod, quamvis omnis dolor includat tristem mentis perceptionem, non tamen procedat hæc reciprocatio, ergo omnis tristis perceptio est dolor, non enim, nisi admodum impropriè quis id dicere posset; ita nempe odium, ira, invidia &c. sunt equidem singulæ tristes quædam perceptiones, non autem totidem dicuntur dolores: quapropter necessum erit ut dolorem ita medicè restringamus, ut sit *tristis illa perceptio, quæ dependet unice vel à periculo ruptionis, vel actuali ruptione fibrillarum nervosarum, membranosarum & tendinosarum* (sunt enim hæ omnes, spiritibus, five subtilissimis corporis nostri humoribus cinctæ & tensæ, principalia sensus instrumenta) *partibus vulgo dictis sensitivis distributarum*: in specie porrò dolor multifariam definiendus est, non solum pro varietate causarum lædentium, ratione quantitatis & qualitatis; verum etiam pro varietate structuræ partis istius quæ patitur; ita, alius dolor est acutus, alius obtusus, fixus, vagus, pulsatilis, & quidem non uno eodem.

eodemque modo in singulis. Prius autem, quam ad Odontalgiam propius accedo, è re fore existimo, de dentibus nonnulla, tam in genere, quam in specie, item de maxillis & gingivis prælibare, sic enim (ut puto) symptomatum omnium glomeramen facilius multo extricabitur.

§. 2.

Dentes itaque, quasi edentes dicti, propterea quod cessionis operam absolvant, constant ex substantia quadam generis peculiaris, quæ videtur inter osseam & petrosam media, qualem nullibi cæteroquin in corpore reperire licet; unde forsitan *Aristoteles Hist. XI. ὀσείνους*, osseos eos vocans, dum denominativo utitur, rem in medio relinquit, licet idem *l. 2. de gen. anim.* dentium atque ossium naturam statuatur eandem: quicquid sit, hoc profectò certum est, quod dentes, non solum ratione duritiei singularis & polituræ, vehementer differant ab aliis ossibus, verum etiam respectu perioestii & meditullii spongiosi, medullarem succum continentis, quibus dentes (loquor de statu naturali in homine) omnino carent: præterea simplex magis videtur bractearum, sive lamellarum ordo in dentibus, quam cæteris ossibus, suntque eadem sibi mutuo ita nexæ & firmatæ, ut nonnisi exquisitissimis microscopiis detegi aut discerni possint: sunt, fateor, qui duplex lamellarum genus dentibus attribuunt, figura & situ discrepantium; nempe externas perpendiculariter locatas, & à lateribus sibi cohærentes statuunt, nullam, nisi quæ extra gingivas apparet, partem tecturas aut cincturas, sed radicum dentium bracteas cum interioribus esse continuas profitentur; quantum ad me, ego nullus dubito, quin & plures fibrarum ordines, transversales, obliqui, rhomboidales &c. prædictis sint intermixti.

§. 3.

Infiti sunt dentes maxillæ utrique omnes, per modum infixionis istius, quam græci γόμφωσιν vocant, quasi latine dicas clavationem vel incuneationem, non enim secus alveolis suis inhærent, quam parietibus clavi. Infixorum totus ordo dici solet

græcis *σφαγμῶς*, sepes, partes autem infixæ gingivisque circumseptæ, *ρίζαι*, radices; sed hæc mitto, ut verborum plena, rerum inania.

§. 4.

Numerus dentium non omnibus idem est, neque in eadem ætate & sexu: nonnunquam enim ætate adulta numerare licet duodetriginta, sive quatuordecim in qualibet maxilla, nonnunquam triginta, imo & hic numerus aliquando augetur ad duos supra triginta, cum accessu *σωφρονισθεῶν*, sive dentium sapientiæ; sed tamen idem sæpe, lusu naturæ, augetur minuiturve, prout tradit *Plutarchus in Pyrrho*, Rege Epirotarum, qui non nisi os aliquod continuum, vice dentium habuerit; confer. *Valer. Max. lib. I. Cap. VIII.* Nec adeo rarum est invenire eos, qui dentium geminos in utraque maxilla circumgerunt ordines, quale quid in Timarcho, Nicoclis filio, notavit *Plin. l. XI. C. 37.* nec non *Val. Max. l. c. 90.* Triplicem etiam Herculi datam fuisse dentium seriem, memoriæ traditum esse ab Græcis constat. Naturaliter, sive ordinarie, sese habent superiores & inferiores, ad unam & æqualem amussim, verum haud raro contingit, ut præter communem, ut dici solet, naturæ cursum, varii admodum irregulariter, fusque deque protuberent, faciemque defædent.

§. 5.

Dividuntur dentes in primores, qui græcis *πρῶτοι* & *διχαστήρες*, tanquam sectores vel divisores dici solent, 2^o. in caninos, quos Vulgus vocat oculares, quatenus incautè evulsi, oculis molestiam creant, 3^o. in molares, *κεντήρες* sive genuinos, quibus adnumerantur dentes sapientiæ, qui nonnullis erumpere solent post annum vigesimum, quando nempe sapere magis incipiunt homines. Omnes, maxillæ superioris & inferioris alveolis, ope radicum pauciorum vel plurium inserti, firmantur, vel potius circumsepiuntur gingivis, quarum substantia est caro sui generis, oriunda ex membrana oris & periosteo, quæ in edentulis, parte superiore evadit cartilaginea, fungiturque officio

officio dentium : undiquaque huc excurrunt vascula arteriosa ab carotidibus , item nervi à pari quinto , quod Veteribus erat tertium ; eorum autem divaricationes sigillatim hic enumerare supersedeo , præprimis quoniam cursus eorum ludit & variat in diversis subjectis ; bina itaque hæc vasa uno eodemque ordine dum maxillas ingrediuntur , spargunt varia variæ magnitudinis filamenta membranacea & vascula capillaria per cellulas osseas , conficiuntque rete quoddam vasculosum , quæ alveolos per varia foraminula ingrediuntur & in ipsis efformant membranam glandulosam , ex qua oriuntur binæ lamellæ , inservientes secretioni succi dentifici , qui videtur esse tenacior maximèque glutinosa sanguinis pars , duritiei suscipiendæ appropriata. De venis dentium nihil hic addo , quoniam ex arteriis solummodo oriuntur sanguinemque in venam jugularem refundunt. Parum etiam refert memorare undecim illa (duodecim ab aliis enarrantur) ex quibus superior maxilla , partim per harmoniam (si foris adspicis) partim per suturam (si intus) componitur , item bina alia , ex quibus per synchondrosin construitur inferior , quæ postea ita coalescunt , ut unum simplex os repræsentent : sufficit notasse , spongiosam esse utriusque maxillæ partem inferiorem , medullari substantia præditam , duriores autem externas , variaque præter alveolos in ipsis esse foramina , viam sternentia vasis sanguiferis & nervis.

§. 6.

Hisce præmissis , aggredior odontalgiam ipsam , quam meo iudicio , parum appropriatè vocavit *Sirobelbergerus* podagram dentium , quanquam similis esse possit & podagræ vel cujusvis alterius arthritidis & odontalgiae causa ; Describi potest odontalgia , quod sit tristis quedam mentis perceptio , orta à periculo ruptionis vel actuali ruptione fibrillarum nervosarum membranosarumque , ad dentes & gingivas excurrentium , aliquando cum ardore gingivarum , & male tumore , delirio , febre , convulsionibus , vigiliis perpetuis , suppuratione &c. juncta. Dividitur vero in calidam & frigidam , fixam & vagam , habitualem & accidentalem , idiopathicam & sympathicam , magis minusve acutam , cui accensetur *hamodia* sive stupor dentium dolorificus.

Siqui-

§. 7.

Siquidem ergo mens hic dolorem fuscipit , vel ob ruptionis periculum , vel ruptionem ipsam fibrillarum nervosarum membranarumque , ad dentes & gingivas excurrentium , necessum erit , ut statuamus proximam sive continentem istius mali causam esse obstructionem pororum , tubulorum atque canaliculorum in parte dolente , à quacunque demum materia crassa , acri , mordente , distendente , gravante sive premente , adeoque lædente ; si enim liberè humores per suos canaliculos fluant , sique nulla extrinsecus accedat fibrillarum vasculorumque pressio , certe nunquam ruptionis periculum , aut ruptio aliqua ipsis eveniet ; cum autem (uti dictum §. 1. *circa finem*) varient dolores pro diversitate causarum & structuræ , partis affectæ , reliquum erit ut eorum differentias adjungamus.

§. 8.

Nempe salinæ particulæ (sub quibus nunc etiam complector acidas) cum possideant figuram acuminatam , dentatam , complanatam , ferratam , consistentiamque admodum rigidam , qualem in instrumentis mechanicis , V. G. cultris , gladiis , acubus , ferris , limis , cuneis , &c. cernere licet , certe clarum est , quod , ubi diametris pororum , tubulorum canaliculorumque illæ non respondent , latera fibrillarum nervosarum vellicent , rodant , concutiant , atterant , aliisve modis lædant , præprimis cum urgeant à tergo aliæ particulæ humorum , quæ propter obstructionem factam progredi nesciunt , cumque nulla fere sit corporis pars , quæ , ratione molis , plures magisque tēsas possidet fibrillas nervosas , quam dentes & gingivæ , mirum esse non potest , violentam illam motus determinationem vivacius menti communicari , ut dolor oriatur admodum acutus , & quidem cum ardore , quatenus pressione illa & concussione perpetua , fibrillæ seorsim singulæ celerius & vehementius juxta se contremiscunt , præprimis cum materia subtilis per intervalla minima ab salibus hærentibus relicta , velocissimè (exigat enim hoc angustia loci) perfringere cogatur : id quod innumeris experimentis ; cum mechanicis , tum chymicis , comprobari & dilucidari poterit , sed quia brevis esse volo , eadem mitto.

§. 9.

Dolor iste nullum conspicuum tumorem conjunctum habet, si materia peccans sit pauca (non enim tam ad quantitatem, quam qualitatem, in doloribus attendendum) item si profunde lateat, si verò eadem longe lateque extendatur, & rarefactionem suscipiat, tumor gingivæ & malæ exsurgit, qui aliquandò, vel naturâ, vel arte dissipatur, aliquandò verò abit in suppurationem, si vascula capillaria rumpantur, lymphamque chylosam in cavitatem factam eructent, hæc enim stagnando transit in pus, quod, cum admodum acre sit, parit erosionem non solum gingivæ, aut partium vicinarum molliorum, verum etiam dentium & maxillæ cariem.

§. 10.

Quomodo idem dolor acerbus producere valeat delirium (nempe spurium) febrim, convulsiones & vigilias perpetuas, nemo non facile percipiet, si attendat ad violentam illam & confusam motus determinationem, quam, ad perceptionem illam mentis tristissimam, suscipiunt spiritus animales, non solum intra cerebrum, verum etiam in musculis cordis aliarumque partium: ruunt nempe spiritus illi agmine incompósito in vestigia cerebro impressa, adeoque nonnisi confuse menti repræsentant imagines rerum, de quibus illa, cum non possit simul & semel judicare, dicitur delirare: ruunt similiter confuse versus omnia nervorum orificia, eademque expandunt, adeo ut vigilia continuetur: ruunt denique fulminis instar versus musculos cordis, sicque rhythmum eorum invertendo, tremores, palpitationes (quas febris comitatur, quoniam eo modo mixtura sanguinis consueta turbatur) producit: & ita pariter idem præstare poterunt in diversarum partium musculis.

§. 11.

Veteres, odontalgia causam posuere fluxionem quandam, five catarrhum acrem à capite ad dentes per nervos; procul dubio, quoniam radiatio doloris exporrigi & elongari sentitur à parte su-

perna ad infernam, id quod nostrates exprimere solent voce *Scheuten en Sinkingen op de Tandē* / at verò, jam dudum illam rationem enervavit *Schneiderus libro de Catarrhis*, nervorumque tubuli nimis sunt angusti, quam ut crassam aliquam (qualis esse debet causa dolorifica, ut diximus) transmittant materiam; sed causa istius radiationis unice dependet ex continuatione nervorum, qui suscipiunt eandem determinationem motus in loco inferiore introducti, non secus ac chordæ extremitate percussa, totus nexus contremiscit.

§. 12.

Flexiles autem oblongæ, utut tenaces particulæ, cum nequeant tantam fibrillarum tensionem, rosionem, attritionem &c. excitare, quantam priores illæ acuminatæ & rigidæ, quoties poris, tubulis, canaliculisque membranæ nervosæ dentium & gingivarum inhærent, nonnisi gravativum pariunt dolorem, quem nostrates exprimunt voce, *knysing in de tanden* / nunquam tamen evenit, ut oblongæ illæ flexiles particulæ rigidis & acuminatis careant, verum ut præ hisce abundant: hoc in casu nullus etiam vel saltim paucus observatur ardor, sed pituitosa saliva, os perpetuo fere implet.

§. 13.

Causæ illæ continententes derivantur ex sanguine male constituto, v.g. quando in eo oberrant multæ particulæ crassæ, rigidæ, falsæ, acidæ, viscosæ, terrestres, &c. quemadmodum in constitutione scorbutica, non potest non fieri, quin earum multæ propellantur versus poros, tubulos, canaliculosque membranæ nervoso-glandulosæ dentium, & ibidem sistantur; præsertim in iis qui arctiorem habent canaliculorum compagem ab ipsa hæreditate, unde cernere licet homines, qui utut laborant scorbuto, vel intemperie quadam alia acri, vel terrestri, ab odontalgia degunt immunes.

§. 14.

Rurfus ambas illas causas fovent & nutriunt aliæ externæ, vulgo procatacticæ & fortuitæ dictæ, quales sunt corporis (speciatim capitis) subitanæ mutationes à calore in frigus, crassiusculi enim, qui, versus canaliculos angustiores, calore dilatatos, propulsi erant humores, frigore subitaneo retinentur, magisque condensantur: idem puta de aëris insignibus mutationibus, præsertim si acribus turgeat effluviis, quemadmodum potissimum, hic terrarum in locis maritimis; discant vel hinc nostræ virgines caput & pectus melius ab injuriis aëris munire! mirum quantum etiam edulia imprimis fervidè hausta, dentibus non solum colorem piceum aut buxum, sed & fragilitatem ingentem inferunt, doloremque excitant, quatenus humores in vicinia circulares glutinosi exsiccantur, fibrillæque abbreviantur & marcescunt, ita quoque acria alimenta, ut allium, sinapi, caseus antiquus, saccharum, (in quo observavit vermes *Th. Bart. act. Hafn. tom. 1. observ. 54.*) & pleraque dulcia, ut libum Amstelodamense, vel quodvis simile, ficus, uvæ passæ, & id genus plura: etiam verisimile admodum est (quamquam alii id negent, opusque omne tribuunt acrimoniæ) vermiculos cum alimentis ori commissos, vel ovula eorum, circa dentes exclusa, ingentem conferre ad odontalgiam symbolam, dentiumque texturam destruere, præprimis, quoniam id satis superque microscopiis ad oculum evincitur, & experimentis egregiorum virorum *Rhedi, Malpighii, Leewenhokii*, & aliorum confirmatur, nec est quod quisquam putet dentium texturam, ut nimis duram & petrosam, eludere debere vim aculeorum istorum insectorum,

Nam leviter quamvis quod crebro tunditur ictu;

Vincitur in longo spatio tamen atque labascit.

Nonne vides etiam guttas in saxa cadentis

Humoris, longo in spatio pertundere saxa?

ut olim cecinit *Lucret. l. de rer. nat.* usus porro immodicus spiritus vini & petisugii, dentes labefactat; uti dentium immundities culpanda, ita nec laudanda est frequens illa dentium purgatio per dentifricia acidiora, hæc enim non solum dentibus fragilitatem ingentem afferunt, verum etiam fibrillas nervosas solvunt, humoribusque in vicinia circulantibus acorem inferunt dolorificum.

In sexum muliebrem tantum aliquando exercet semen masculinum, & lunæ phasis imperium, ut non solum genitale arum turgere faciat & fluere, verum etiam dentes una cum pluribus partibus dolere, id quod quomodo fiat, facile percipiet ille, qui auræ, five materiæ subtilis efficaciam in determinatis subjectis philosophico speculatus est oculo. Denique suppressiones consuetarum evacuationum, v. g. alvi, mensium, lochiorum, hæmorrhoidum &c. odontalgiam producere valent, quatenus materia crassa & acris, quæ alias evacuari per intervalla solebat, in corpore retenta distribuatur variis corporis partibus, adeoque etiam dentibus. Taceo duriora dentibus confracta, ictum, lapsum, dentiscalpia ænea, ferrea, quæ communi omnium consensu dentes ipsos, cum radicibus nervosis & gingivis lædunt: clarum etiam satis esse puto, quomodo in dentitione dolor emergat: transeo ergo ad prognosin.

§. 15.

Dolor dentium (inquit *Tulpius obs. lib. 1. cap. 36.*) quam parvi inexpertis, tam magni fit expertis, idemque & ridetur & defleitur: quin imo sunt qui credant, maximum hoc tormentum semper esse innoxium; sed crede, ô Medice! eventibus, & videbis inde non semel produci, vel inemendabilem faciei deformitatem, vel certam mortem. Diximus supra in definitione, quænam accedere possunt odontalgia symptomata, eaque fuere graviora, quatenus œconomiam animalis vehementer valent turbare; verum dantur & plura, minus principalia: Scilicet reddere solet hæc affectio homines edentulos, adeoque ad manducandum, ut & promptè loquendum minus aptos; transit aliquando odontalgia in otalgiam, five dolorem aurium, propter viciniam partium: producere potest maxillæ cariem & ulcus noma: *Hippocrat. f. 3. aph. 25.* ait, infanti ad dentitionem accedenti, gingivarum stimulantès prurigines, febres, convulsiones, & alvi profluvia. Tumor odontalgia superveniens, bonum est indicium, quatenus indicat materiam peccantem rarefieri, & ex imo ad summum dissipari: gravidarum dolor dentium ordinarie cessat circa medium gestationis tempus, vel post partum, sed potest quoque producere
abor

abortum. Facilius curatur accidentalis quam habitualis, calida periculofior quam frigida.

§. 16.

Curationem odontalgiae non ubique fore eandem, facile quivis conjecerit ex antecedentibus ; quædam autem remediorum ad rem pertinentia, sed breviter proponere decrevi. Corpus itaque si fuerit plethoricum, robustum satis, urgente dolore, & delirio, venæsectionem illico commendarem, graviorum practico- rum ratione & experientia ductus, quanquam enim hoc modo mali causam auferri conceptu sit difficillimum, attamen sufficiet do- lorem, tanquam urgens symptoma mitigasse : eodem tempore curarem componi sacculos (suppono enim causam peccantem par- ticipare de acredine) ex farina hord. sem. lin. papav. albi & hyos- ciam : qui alternatim externè tam parti affectæ, quam auri & nuchæ erunt calide applicandi : interim os colluatur sequente mixtura.

℞. Aq. hord. ℥ij.

plantag.

solan. ana ℥j.

Sal prunell. ℥j.

Tinct. ros. rubr. ℥iv.

Vitriol. alb. ℥ss.

Laud. op. gr. viij.

M.

Alvus si non respondeat, evacuetur vel clystere vel seq. pill.

℞. Mass. pill. coch. ℥ss.

Merc. dulc. gr. viij.

M. F. S. A. Pil. pro dosi.

Similibus pillulis, pro re nata, possunt addi specifica varia, ut olea stillatitia, cephalica, v. g. majoran. lavend. item castor. succin. &c. præsertim ut tanto magis nomen illud vulgare belgicum mereantur, *Hoofst-pillen* / quibus adeo delectatur ignarum vul- gus, nescius quomodo similia pluribus partibus affectis mederi valent. Hæc si non juverint, verum ex adverso incrementum sumpserit dolor, illico etiam internè propinanda sunt anodyna, v. g.

B 3

℞. Sal.

℞. Sal saturn. gr. iij.

prun. ꝑ.

Ocul. cancr. ppt. ꝑ.

Laud. op. gr. j. vel ij.

M. F. Pulvis vel cum f. q. diasf.

Frac. Bolus.

Nuchæ ut & temporibus imponantur summitates absinthii & hederæ terrestres, cum mica panis secalitii fermentati & sale communi in sartagine lentè exsiccata, quæ quantum & hic & alibi doloribus urgentibus præstare valeant, norunt experti, quibus ego fidem adhibeo: non male etiam temporibus imponitur emplastrum de spermate ceti *Mynsichi*, sed paulo majore, quam fieri solet, parte caphuræ nobilitatum.

Magnam quoque solet hoc in casu efficaciam habere fel vitri cum aceto coctum, si denti dolenti cum linteis carptis vel gossypio admoveatur, ut & caphura cum pauxillo castorei simili modo in aurem immissa. Dens vero si sit cariosus, aut vacillet, modo coronæ ejus sive summitas suffecerit, extrahendus est quantocyus; vel si nulla arriserit eum extrahendi occasio, cavusque satis fuerit, admoveatur sclopomacherium, sive antitragus candens cannula appropriatâ munitus, quo nervi subjecti ramificationes ita ustulentur, ut violentam motus determinationem ad cerebrum & sensorium commune transferre amplius nequeant: radix pyrethri aceto macerata, dolenti denti admota sæpenumero auxilium ægro tulit maximum, quemadmodum etiam sal commune decrepitatum cum vi in nares attractum; item aqua frigida putealis dentibus, temporibus & nuchæ admota; res autem aliquando exigit, ut scalpello gingivæ solvantur, præprimis ubi dentitionis tempore, supremæ earum fibrillæ cedere nolunt, aut ubi fixius inhæserint alveolis dentis affecti radices; veruntamen cautè ibi procedendum esse moneo, suafurus ut prius oleo amygd. dulc. rec. expr. vel simili alio medicamento pars affecta emolliatur & ad transmissionem dentis subjecti disponatur, quam operatio magis violenta tentatur; multa quidem proferunt nonnulli de medicamentis, dentes fixos soluturis, sed pleraque, si non omnia, sunt vana.

Cariæ cum dentis, tum maxillæ, medetur cauterium actuale, vel tinctura euphorbii, item sp. sal. ammon. cum melle ros: & succo

succo cochleariæ junctus, præsertim in iis qui exspuere acriora nesciunt, quemadmodum infantes, alias ung. Ægyptiacum cum melle rosac. vel hoc solum cum olei vitrioli s. q. omnem absolvunt paginam, postea vero os eluendum sp. vini theriacali, vel simplici vino rubello aut Tinctura herbæ Theæ fortiori, nobilitata extracto rad. arist. rotund. Theriacâ & melle rosac. tumor si adfuerit discutiatur emplastro de meliloto & de sperm. ceti ana P. æq. vel si ad maturationem vergat, detineantur ore ficus, vel adhibeantur cataplasmata externè ex capis sub cineribus tostis, contusis cum ficubus, ol. lin. &c. verum præstat (ne scilicet cicatrix oriatur) ulcus intus aperiri quam extus, apprimè autem curandum est, ne reliquiæ puris crassioris in fundo Apostematis supersint, brevi enim ita recrudescit malum, peiores excitaturum turbas.

Frigidam quod attinet odontalgiam, ea alio modo erit tractanda, quemadmodum & illa quæ oritur à vermiculis. Nempe adhibenda sunt aromatica sub formulis masticatoriorum sive apophlegmatismorum ex radicibus angel. enul. campan. zedoariæ pyretri aceto maceratis, semine sinapios &c. olea quoque stillatitia, ut origani, cariophyllorum, macis stillat. &c. ope cæsypi, sive lannæ succidæ, vel bombacis, denti admoveantur & auri insinuentur: gummi juniperinum sive sandaracha multis extollitur laudibus, si uncia ejus in aceti vini libra. i. coquatur pro oris colutione: acetum scilliticum castoreo & caphura nobilitatum, dentibus & auribus admotum, multis profuisse novi. huc quoque pertinet petum, sive tabacum, tum in substantia, tum infuso, itidem sub forma fumi & olei, ita etiam oleum papyri, coryli, buxi, & id genus alia suum habent usum. temporibus imponantur emplastra ex gummi elemni, mastiche, olibano, tacamahaca, caranna &c. additis oleis stillatitiis aromaticis. vesicatorium pone aures locatum, vulgatum quidem, sed non ignobile remedium; nullumque dubium est, quin moxa Indorum, pone aurem, similiter in latere partis dolentis usta, dolorem sopire valeat, æque ac in podagra, vel chyragra: taceo hic consulto ridicula reliqua & superstitiosa odontalgica, ut talpæ os brachii dextri in pera gestatum, vel denti dolenti affricatum &c. quorum operandi modum, si quis vellet respectu effluvi-
orum explicare, rem forte nimis longe peteret. contra vermiculos
dentium

dentium cavitatibus radicibusque inhærentes, valent oleum absyntii, tanaceti, hyperici, nucleorum perficorum, amygdalarum amararum, æsypo vel gossypio excepta, dentibusque applicita; item aqua mercurialis, sive divina Fernelii, vel fiat pasta ex melle, vitello ovi & terebinthina, quæ parti dolenti admota, vermes allicit, huc quoque pertinent amara ut tinct. absyntii, aloës, cardui benedicti, ligni colubrini, myrrhæ, colocyntidis &c. hæc verò dum usurpantur, suadendus simul est usus medicamentorum universalium internorum, intemperiebus corrigendis dicatorum, sed formulas cum variare oporteat, nolo hic longas ducere lineas.

§. 16.

Diætæ regimen, cum nullo negotio deduci possit ex iis quæ supra retuli de causis odontalgiaë procatarteticis, adeoque, quantum possibile, fugiendis, nihil ulterius, nè crambem eandem recoquam, adnectam, nisi quod ritè indies purgari debeant dentes, & os elui. interim ego cum *Martiale*.

cenæ fercula nostræ

Malim convivis, quam placuisse cocis.

F I N I S,

